

INNOVASJON NORGE  
Postboks 448 Sentrum  
0104 OSLO

## Prioriteringar i forvaltning av IBU-midlane for Vestland 2021

Fylkeskommunen leiar den regionale partnerskapen innan landbruksbasert næringsutvikling og skal dermed også gje strategiske føringar til Innovasjon Norge for bruken av midlar til investering og bedriftsutvikling i landbruket (IBU-midlane). I Vestland er handlingsplan for landbruk i Vestland 2020 det førande dokumentet for næringsutvikling innan landbruk. Nasjonale føringar seier at strategiske føringar frå den regionale partnerskapet er avgrensa til prioritering mellom ulike produksjonar og mellom ulike område i den enkelte regionen/fylket.

Vestland fylkeskommune ynskjer at IBU-midlane skal bidra til måla i Utviklingsplan for Vestland særleg hovudmål 1, Vestland som det leiande verdiskapingsfylket og pådrivar for eit regionalisert og desentralisert Noreg. Naturressursane i Vestland skal nyttast på ein berekraftig måte til matproduksjon, arbeidsplassar, energi og opplevingar. Vestland fylkeskommune ynskjer at Innovasjon Norge skal nytte verkemiddela til å byggje vidare på særtrekka ved vestlandsbruket som mjølk, kjøt, frukt, bær og grønsaker.

Fylkeskommunen har samla den regionale partnerskapen inkludert faglaga til møte og drøfting om prioritering av midlane for 2021. Oppdragsbrevet er handsama politisk den 25. november. Vestland fylkeskommune legg til grunn at Innovasjon Norge sikrar ei tenleg geografisk fordeling av prosjekt. Landbrukspartnerskapen har avtala eit statusmøte for IBU-midlane i april 2021. Målet med møtet er å oppdatere kvarande og gjere mindre justeringar ved behov.

Tabellen under syner korleis Vestland fylkeskommune meiner at IBU-midlane skal fordelast mellom produksjonane.

Fordeling regional ramme IBU Vestland 2021					
Produksjon	Mjølkeproduksjon	Sau	Andre husdyr og gjødsellager	Andre næringar	Grøntsektoren*
Prosentdel av potten	61%	10%	18%	11%*	17%

\*denne summen gjeld den nasjonale potten.

Gjennom jordbruksavtalen har avtalepartane sett i verk tiltak for innovasjon og vekst i grønt sektoren. Målet er å auke norskandelen og møte etterspurnaden i marknaden med mest mogleg norske varer. Nasjonalt er det satt av øymerka midlar til ordninga. Vestland fylkeskommune ynskjer at partnerskapen skal legge til rette for at næringa i fylket har god kjennskap til desse midlane og at dei vert oppmuntra til å søkje. Vestland fylke har avlingar av god kvalitet og høgt volum innan frukt, bær, potet og grønt. Vestland fylkeskommune ynskjer at Innovasjon Norge skal bidra til å legge til rette for auke i lokal verdiskaping knytt til frukt, bær, potet og grønt og tenleg auke i volum.

Mjølke er ein berande produksjon Vestland fylke. Det er viktig å støtte opp om mjølkeprodusentar i fylket. Saker som gjeld overgang frå bås fjøs til lausdrift bør som hovudregel prioriterast. Fylkeskommunen ynskjer å sikre rekruttering til mjølk og ber om at Innovasjon Norge legg til rette for generasjonsskifte.

Gode og store nok gjødsellager med tak er sentralt for å hindre uønskt avrenning. Finansieringsordninga av gjødsellager slik den er i dag er ikkje god nok, i 2020 var det derfor nesten ikkje søknader. Fram til finansieringsordningar for gjødsellager blir betre har partnerskapen valt å la gjødsellager inngå i kategorien andre husdyr.

Sau er den nest største produksjonen i Vestland. Sauebønder i fylket vil ha behov for investeringsmidlar for å fornye driftsapparatet og vere konkurransedyktige. Dette behovet må balanserast mot marknaden og totalproduksjonen av sauekjøtt.

Vestland fylkeskommune jobbar for at FN sine klima- og berekraftmål blir nådd. Det er viktig for fylkeskommune av bruken av IBU-midlane bidreg til å nå desse måla. Ny teknologi, klimasmarte løysingar og berekraft er viktig for alle landbruksproduksjonane i Vestland. IBU-midlane bør så langt det lar seg gjere legge til rette for at ny teknologi og klimasmarte løysingar vert nytta av alle landbruksproduksjonar i Vestland.

For å sikra større variasjon i næringsgrunnlaget på gardane skal IBU-midlane bidra til å legge til rette for tilleggsnæringer. Dei siste åra har det vore ei stor satsing på foredling av eple, mjølk og kjøt. Denne satsinga må halde fram.

Innovasjon Norge forvaltar IBU-midlane i tråd med dei nasjonale føringane. Vestland fylkeskommune legg til grunn at lønsinntekt vert vurdert i samband med gjennomføringsevne og totaløkonomi til søkjar.

Det skal rapporterast på bruken av IBU-midlane til Vestland fylkeskommune. Rapporten skal inngå i rapporten som Innovasjon Norge elles sender til fylkeskommunen. Rapporten skal vurdere verkemiddelbruken opp mot førande poliske vedtekne dokument. Statistikk over fordeling til ulike grupper, som kvinner og unge, i dei ulike program og tenester skal synleggjerast slik at ein sikrar eit godt samanlikningsgrunnlag over tid.

Med helsing

Bård Sandal  
fylkesdirektør

Endre Høgalmen  
seksjonssjef

*Brevet er elektronisk godkjent og har difor inga handskriven underskrift*